



傷寒論條辨

四

武 9
233
6




門 233
卷 6

傷寒論條辨卷之四

欵人 方有執中行甫條辨

辨陽明病脈證并治第四 凡七十七條

陽明者胃經也其法不以經病為例而例以胃家實為正不以經病為例者陽明路接太陽經病由傳從太陽過而後受多則太陽未除故須仍從太陽例如凡凡合病之類是也過此再入陽明胃實當之病一入胃胃為五藏六府之海而吉凶生死幾焉不復有經可



言矣故經無例可出而凡胃實者不得不出
例此陽明所以與餘經不同也彼以一經再
經循經越經規規於數日以論證者焉足與
語聖賢言外之意哉

一陽明之為病胃家實也

陽明經也胃府也實者大便結為鞭滿而不得
出也作於遲早不等非日數所拘所謂二日
陽明者以經言也經主三陽傳路之中不專病
而專病在胃實故胃實反得以揭陽明之總與
太陽之揭總者經病雖不同要之所以為揭例
則一也餘經皆有總揭其例則通乎二者而同
推以此觀之則非全書之言不出於輕視而漫易哉

二問曰病有太陽陽明有正陽陽明有少陽陽明
何謂也答曰太陽陽明者脾約是也

此條三節此節三問一答通下文二節乃三答
詞蓋原三陽所以入胃之殊因也太陽陽明者
謂太陽受病徑入胃而成胃實也脾
約見第六十一條此舉大意詳見後

正陽陽明者胃家實是也

正謂本經也以病到本經遂入胃而成胃實
故指首條謂即此是也然太槩亦只是如此

少陽陽明者發汗利小便已胃中燥煩實大便難
是也

少陽陽明者以病到少陽方才入胃而成胃實
者之也發汗已下三陽皆然乃獨於少陽發者

以陽主半表半裏表裏皆不可攻故也然三者之因雖少殊要亦不過互相發明耳

③問曰陽明病外證云何答曰身熱汗自出不惡寒反惡熱也

身熱汗自出起自中風也不惡寒反惡熱邪過榮衛入裏而裏熱甚也此以太陽中風傳入陽明之外證言

④問曰何緣得陽明病答曰太陽病發汗若下若利小便此亡津液胃中乾燥因轉屬陽明不更衣

內實大便難者此名陽明也

凶轉皆見太陽篇○中風本自汗故發汗已下皆致傳陽明勢易也古人大便必更衣不更衣

言不大便也此以太陽中風轉入陽明之裏證言

⑤問曰病有得之一日不發熱而惡寒者何也答曰雖得之一日惡寒將自罷即自汗出而惡熱也

不發熱而惡寒起自傷寒也惡寒將自罷邪過表也即自汗出邪熱鬱於陽明之肌肉腠理反開津液反得外泄也惡熱裏熱甚也此以太陽傷寒傳入陽明之外證言

⑥問曰惡寒何故自罷答曰陽明居中土也萬物所歸無所復傳始雖惡寒二日自止此為陽明病也

此承上條之答詞復設問答而以其裏證言無所復傳者胃為水穀之海五藏六府四體百骸

皆資養於胃最宜通暢實則祕固復得通暢則生止於祕固則死外生決於此矣尚何復傳惡寒二日自止者熱入裏而將反惡熱以正陽陽明言也。以病二日而其幾有如此則斯道之精微豈專專必於談經論日所能窺測哉。

七傷寒發熱無汗嘔不能食而反汗出濇濇然者是轉屬陽明

濇照吉切。發熱無汗追言太陽之時也。嘔不能食熱入胃也。反汗出者肌肉著熱膚腠反開也。濇濇然熱而汗出貌。

八傷寒轉繫陽明者其人濇濇然微汗出也

此承上條復以微汗申言重致丁寧也。

九本太陽初得病時發其汗汗先出不徹因轉屬陽明也

徹除也。言汗發不對病不除也。此言由發太陽汗不如法致病入胃之大意。以為總結上文。

十傷寒二日陽明脈大

傷寒二日該中風而大約言也。凡類此者皆倣此脈大陽明氣血俱多也。

十一陽明病欲解時從申至戌上

申酉戌陽明之王時也。正氣得其王時則邪不能勝故退而自解也。

十二陽明病脈遲汗出多微惡寒者表未解也可發

汗宜桂枝湯

遲者緩之變汗出多微惡寒者風邪猶有在表者故曰未解也可發汗例也宜桂枝湯謂仍須解其肌則入胃之路自絕也○方見太陽上

③陽明病脈浮無汗而喘者發汗則愈宜麻黃湯

浮者緊之轉邪外向也無汗而喘者寒邪在表未全除也故曰發汗則愈言當仍從解外也宜麻黃湯者言當散窮寇於境界也○方見太陽中

④陽明病若能食者名中風不能食者名中寒

此以食之能否喻人驗風寒之辨蓋陽明主水穀風能食陽能化穀也寒不能食陰不殺穀也名猶言為也中寒即傷寒之互詞大意推原風寒傳太陽而來其辨驗有如此者非謂陽明自中而然也○玉機微義謂惜乎仲景不言中寒經言中寒殆不止此何嘗不言彼以經為不言

者其意將以為中之與傷有各別之分也殊不知經稱中傷二字於風寒者要亦從來之通稱經因通稱以為稱非經之稱始也想必從來通稱之意大約不過以風寒本天之二氣中傷是以人之被之而為稱譬如稱人之中於箭傷於刀只可在刀箭瘡上認病豈可向中傷上摸影由此言之則中風與傷寒之說必須於風寒二病上認得證候分曉不當在中傷上各別尋頭腦也且以經文太義考之措詞多是互相發明無傷二字亦是互相為用不言可知矣通篇雖無傷風一說然以傷寒復稱中寒論之則中風得稱傷風亦可推也世俗又有感冒之稱蓋由愚夫愚婦不知中傷與感本素靈之互文乃諱中傷為重而起趨感自為輕以優慰問之風遂成弊習耳原無關輕重之義讀書貴格致窮理明道以正俗乃舍古不稽一從流俗直欲於虛文上爭差分不究事實而求多於往哲可不正謂之冥行索塗東西一聽候於呼叱哉

⑤脈陽微而汗出少者為自和也汗出多者為太過

輕高而上前者為陽微以中風之緩言中風本自汗故言出少為自和對太過言謂未至太過耳非直謂平和太過者以其失於不治與凡治之不對致出不已者言也

陽脈實因發其汗出多者亦為太過太過太陽絕於裏亡津液大便因鞅也

實以傷寒之緊言傷寒本無汗故曰因發其汗發而出之過多則與汗出過多者同一致故曰亦為太過自此已下乃總結上文以申其義陽絕即亡陽蓋汗者血之液血為陰陰主靜本不自出所以出者陽氣之動鼓之也故汗多則陽絕豈惟陽絕亡津液即亡陽也讀者最宜究識

⑥太陽病三日發汗不解蒸蒸發熱者屬胃也謂胃承氣湯主之

此槩言陽明發熱之大意三日舉大綱言也蒸蒸熱氣上行貌言熱自內騰達於外猶蒸炊然故曰屬胃也調胃和陽明之正也○方見太陽下篇

⑦陽明病本自汗出醫更重發汗病已差尚微煩不了了者此大便必鞅故也以亡津液胃中乾燥故令大便鞅當問其小使日幾行若本小使日三四行今日再行故知大便不久出今為小使數少以津液當還入胃中故知不久必大便也

豕與瘡同穿介切命平聲為去聲○豕小愈也
 以亾津液至大便鞭是申釋上文當問其小便
 日幾行至末是詳言大便出不出之所以然蓋
 水穀入胃其清者為津液粗者成渣滓津液之
 滲而外出者則為汗精而下行者為小便故汗
 與小便出多皆能令人亾津液所以權津之為
 大便者乾燥結鞭而難出也然二便者水穀分
 行之道路此通則彼塞此塞則彼通小便出少
 則津液還停胃中胃中津液足則大便
 潤潤則軟滑此其所以必出可知也

①陽明病自汗出若發汗小便利者此為津液
 內竭雖鞭不可攻之當須自欲大便宜蜜煎導而
 通之若土瓜根及與大豬膽汁皆可為道
 蜜煎導方

蜜七合一味內銅器中微火煎之稍凝似飴狀
 攪之勿令焦著欲可丸併手捻作挺子令頭銳
 大如指長一寸許當熱時急作冷則鞭以內穀
 道中以手急抱欲大便時乃去之

豬膽汁方

大豬膽一枚瀉汁和醋少許以灌穀道中如一
 食頃當大便出

雖上或下當有大便二字○竭亦亾也上條以
 小便數少故知大便當自出此以小便利而
 用導反復互相發也然
 皆不用下者以非熱也

⑤陽明病脈遲雖汗出不惡寒者其身必重短氣腹滿而喘有潮熱者此外欲解可攻裏也手足濇然而汗出者此大便秘也大承氣湯主之若汗多微發熱惡寒者外未解也其熱不潮未可與承氣湯若腹大滿不通者可與小承氣湯微和胃氣勿令大泄下

大承氣湯方

大黃 四兩 酒洗
 芒硝 二合

厚朴 半斤 炙 去皮

枳實 五枚 炙

右四味以水一斗先煮二物取五升去滓內大黃煮取一升去滓內芒硝更上火微一兩沸分溫再服得下餘勿服

小承氣湯方

大黃 四兩 酒洗

厚朴 二兩 炙 去皮

枳實 三枚 炙 大者

已上三味以水四升煮取一升二合去滓分溫二服初服湯當更衣不爾者盡飲之若更衣者勿服之

脈遲不惡寒表罷也身必重陽明主肌肉也短氣腹滿而喘胃實也潮熱陽明王於申酉戌故

熱作於此時如潮之有信也手足濇然汗出者脾主四支而胃為之合胃中熱甚而蒸發騰達於四支故曰此大便秘已鞭也承氣者承上以逮下推陳以致新之謂也曰大者大實大滿非此不効也枳實泄滿也厚朴導滯也芒硝更堅也

大黃蕩熱也陳之推新之所以致也汗多微發熱惡寒皆表也故曰外未解也其熱不潮胃中未定實陽明信不立也小承氣者以滿未鞭不須更也故去芒硝而未復致大下之戒也更衣古人致大便之恭也夫胃實一也以有輕重緩急之不同故承氣有大小調胃之異制湯有多服少服之異度蓋稱物平施由義之謂道也然則竊三二而濫稱承氣者豈也惡足與語道哉

①陽明病潮熱大便微鞭者可與大承氣湯小鞭者不與之若不大便六七日恐有燥屎欲知之法

少與小承氣湯湯入腹中轉失氣者此有燥屎乃可攻之若不轉失氣此但初頭鞭後必澹不可攻之攻之必脹滿不能食也欲飲水者與水則噦其後發熱者必大便鞭而少也以小承氣湯和之不轉失氣者慎不可攻也

黃氏曰矢漢書作屎古屎矢通矢傳寫誤○上條訣人以手足汗出為當下之時此以潮熱轉矢氣次第而詳言亦訣入當下之二候也轉矢氣放屁出也脹滿藥寒之過也噦亦寒傷胃也鞭而少重下故也未句重致丁寧之意

②陽明病下之心中懊憹而煩胃中有燥屎者可

攻腹微滿初頭鞭後必澹不可攻之若有燥屎者宜大承氣湯

可攻以上以轉矢氣言懊懣悔懣痛恨之意蓋藥力未足以勝病燥鞭欲行而攪作故曰可攻言當更服湯以促之也腹微滿已下以不轉矢氣言頭鞭後澹裏熱輕也故曰不可攻之言當止湯勿服也未二句乃申上節以決治意

陽明病讞語發潮熱脈滑而疾者小承氣湯主之因與承氣湯一升腹中轉矢氣者更服一升若不轉矢氣勿更與之明日不大便脈反微澀者裏虛也為難治不可更與承氣湯也

夫實則讞語虛則鄭聲鄭聲重語也
此承上文又以謔語并脈言亦訣人下候及斟酌用湯度數之意滑以候食故為大便鞭之診疾裏熱甚也然滑疾有不寧之意不可不知微者陽氣不充澀者陰血不足故曰裏虛也難治者氣不充則無以為運行血不足則無以為潤送故曰陽微不可下無血不可下此之謂也

直視讞語喘滿者死下利者亦死
實以邪言讞語呢喃不了之妄語也虛以正言以重語釋鄭聲者謂語聲之出由於邪實正虛濁惡而厭聽也
直視精不榮於目也讞語神不主乎心也喘則陽爭於上利則陰奪於下胃中土也陰陽之爭奪於上下而中氣不守故無法可治而皆主死也

⑤發汗多若重發汗者以其陽譫語脈短者死脈自和者不死

汗本血之液陽亡則陰亦虧脈者血氣之道路短則其道窮矣故亦無法可治而主死也和則病雖劇而血氣則未竭故知生可回也○此疑大陽篇錯簡

⑥陽明病發熱汗多者急下之宜大承氣湯

胃實本由於無津液而內燥汗多則津液益亡矣急下者竭則不可治也

⑦發汗不解腹滿痛者急下之宜大承氣湯

發汗不解者失之過度也腹滿痛者胃不和也急下者滿去則痛止也

⑧腹滿不減減不足言當下之宜大承氣湯

此申明上條而欲用治之意

⑨傷寒吐後腹脹滿者與調胃承氣湯

吐亦亡津液而胃又傷腹雖滿而非熱結調胃承氣者陽明之正也○方見大陽下

⑩大陽病若吐若下若發汗微煩小便數大便因

鞭者與小承氣湯和之愈

此總言胃實由於亡津液而皆宜小和者通該戒大下之意也

⑪陽明病其人多汗以津液外出胃中燥大便必

鞭鞭則譫語小承氣湯主之若一服譫語止更莫復服

此與上條互
意多汗見後

③傷寒若吐若下後不解不大便五六日至十
餘日日晡所發潮熱不惡寒獨語如見鬼狀若劇
者發則不識人循衣摸牀惕而不安微喘直視脈
弦者生澀者死微者但發熱讖語者大承氣湯主
之若一服利止後服

此以勢重者言獨自也與譫互意循衣摸牀陽
偏甚而躁動於手也弦者陰氣強澀者陰不足
陽熱劇甚有餘陰以際之故生可開
也陰不足而陽獨治故死可知也

④汗出讖語者以有燥屎在胃中此為風也須下

之過經乃可下之下之若早語言必亂以表虛裏
實故也下之則愈宜大承氣湯

過經謂寧遲遲非謂待十二日後也言出於心
心為胃之母子能令母虛故下早則必亂也表
虛裏實謂外
邪悉入胃也

⑤得病二三日脈弱無太陽柴胡證煩燥心下鞭
至四五日雖能食以小承氣湯少少與微和之令
小安至六日與承氣湯一升若不大便六七日小
便少者雖不能食但初頭鞭後必澹未定成鞭攻
之必澹須小便利尿定鞭乃可攻之宜大承氣湯

命平聲。○大陽不言藥以有桂枝麻黃之不同也。柴胡不言證以專少陽也。凡似此為文者皆互發也。以無太少故知諸證屬陽明以脈弱故宜微和。至六日已下歷叙可攻不可攻之節度。

⑤陽明病心下鞭滿者不可攻之攻之利遂不止者必利止者愈。

上條心下鞭而用下者以屬陽明胃也。此謂心下鞭滿不可攻者以邪聚陽明之膈也。所以然者陽明之脈上至額顙其支別者從大迎前下人迎循喉嚨入缺盆下膈也。攻亦下也。利遂不止者其人陰本虛也。利止者其人陽氣勝也。

⑥陽明病不吐不下心煩者可與調胃承氣湯。

不由吐下而心煩則發於胃實可知也。用調胃承氣者無雜故也。

⑦傷寒六七日目中不了了睛不和無表裏證大便難身微熱者此為實也急下之宜大承氣湯。

了了猶瞭瞭也。素問曰陽明主肉其脈俠鼻絡於目靈樞曰足陽明之正上循咽出於口還繫目系合于陽明也。又曰足陽明之筋其支者上頸上俠口合于頰下結于鼻上合于太陽太陽為目上綱陽明為目下綱所以目中不了了睛不和知胃實也。急下者任脈循面入目督脈上繫兩目中夾諸脈皆屬於目而人之精神注焉是以如是其急也。

⑧傷寒嘔多雖有陽明證不可攻之。

嘔屬太陽故曰嘔多雖有陽明不可攻以多則太陽猶有未除可知也。雖字當玩味。

⑨食穀欲嘔者屬陽明也吳茱萸湯主之得湯反

劇者屬上焦也

吳茱萸湯方

吳茱萸 一升

人參 三兩

生薑 六兩

大棗 十二枚

右四味以水七升煮取二升去滓服七合日二服

食穀欲嘔胃寒也故曰屬陽明言與惡寒嘔逆不同也茱萸辛溫散寒下氣人參甘溫固氣安中，大棗益胃生薑止嘔四物者所以為陽明安穀之主治也上焦以膈言亦戒下之意

陽明病識語有潮熱反不能食者胃中必有燥屎五六枚也若能食者但鞭小宜大承氣湯

亦與爾同○不能食寒因也故屎燥能食因於風也故但鞭小

傷寒脈浮而緩手足自溫者是為繫在太陰太

陰者身當發黃若小便自利者不能發黃至七八

日大便鞭者為陽明病也

傷寒脈浮而緩見太陽下篇然緩以候脾脾主四末故手足自溫為繫在太陰身當發黃者脾為濕土為胃之合若不能為胃以行其津液濕者不去則鬱蒸而身發黃黃為土色土主肌肉故也小便自利津液行也行則濕去矣所以不能發黃胃中乾大便鞭而為陽明病也

陽明中風口苦咽乾腹滿微喘發熱惡寒脈浮而緊若下之則腹滿小便難也

陽明之脈俠口環唇然膽熱則口苦咽為膽之使故口苦則咽乾腹滿熱入陽明也微喘發熱惡寒脈浮而緊風寒俱在而大陽未除也下之腹滿者誤下則裏虛外邪未除者乘虛而盡入內陷也小便難也津液也

陽明病脈浮而緊咽燥口苦腹滿而喘發熱汗出不惡寒反惡熱身重若發汗則燥心憤憤反譏語若加燒鍼必怵惕煩燥不得眠若下之則胃中空虛客氣動膈心中懊懣舌上胎者梔子豉湯主之

憤，匣偽切。怵，穿摘切。惕，透吉切。燥，亦乾也。發熱，已上與上條同。惡熱，陽明血氣俱盛也。以當

大陽時惡寒今惡熱故曰反也身重陽明主肌肉濕土重著也汗出熱在肌肉腠理反開也已下三節言汗下燒鍼皆不可故著其變以示禁也憤憤心亂貌怵惕恐懼貌舌胎見太陽下篇彼以藏結故為難治此以膈熱故湧之以梔子豉○方見太陽中

若渴欲飲水口乾舌燥者白虎加人參湯主之

此又以變渴更治言○方見太陽下

若脈浮發熱渴欲飲水小便不利者猪苓湯主之

猪苓湯方

猪苓 一兩
去皮

茯苓 一兩

阿膠 一兩

滑石 一兩

澤瀉 一兩

右五味以水四升先煮四味取一升去滓內下阿膠烱消溫服七合日三服

此又以小便不利再出猪苓茯苓從陽而淡滲向膠滑石滑澤以滋潤澤瀉鹹寒走腎以行水水行則熱泄滋潤則渴除

陽明病汗出多而渴者不可與猪苓湯以汗多胃中燥猪苓湯復利其小便故也

此承上條復以汗多不宜猪苓湯申致戒謹之意

陽明病脈浮而緊者必潮熱發作有時但浮者必盜汗出

浮而緊與前同故申言必潮熱但浮則陽盛陽盛則陰虛陰虛所以汗盜出也

太陽病寸緩關浮尺弱其人發熱汗出復惡寒不嘔但心下痞者此以醫下之也如其不下者病人不惡寒而渴者此轉屬陽明也小便數者大便必鞭不更衣十日無所苦也渴欲飲水少少與之但以法救之渴者宜五苓散

數音朔○以表證與脈在故知痞為誤下之所致以表除而作渴故知轉屬陽明十日無所苦者以津液偏滲而致乾非熱結也以乾而渴故與水而宜五苓○方見太陽上

陽明中風脈弦浮大而短氣腹都滿脇下及心

痛久按之氣不通鼻乾不得汗嗜臥一身及面目
悉黃小便難有潮熱時時噦耳前後腫刺之小瘥
外不解病過十日脈續浮者與小柴胡湯脈但浮
無餘證者與麻黃湯若不尿腹滿加噦者不治

尿與瀉同泥叫切 ○弦少陽浮太陽大陽明脇
下痛少陽也小便難太陽之旁光不利也腹滿
鼻乾嗜臥一身及面目悉黃潮熱陽明也時時
噦三陽具見而氣逆甚也耳前後腫陽明之脈
出大迎循頰車上耳前太陽之脈其支者從巔
至耳少陽之脈下耳後其支者從耳後入耳中
出走耳前也然則三陽俱見證而曰陽明者以
陽明居多而任重也風寒俱有而曰中風者寒
證輕而風脈甚也續浮謂續得浮故與小柴胡
從和解也但浮無餘證者風雖外向終為微寒

時也故發之以麻黃不尿腹滿加噦者邪盛於
陽明而關格所以無法可治也○小柴胡湯見
太陽上麻黃○尿南人
湯見太陽中○心崔切

○陽明病脈遲食難用飽飽則微煩頭眩必小便
難此欲作穀痺雖下之腹滿如故所以然者脈遲
故也

痺廣韻作疽 ○遲為寒不化穀故食難用飽穀
不化則與熱搏濕鬱而蒸氣逆而不下行故微
煩頭眩小便難也痺黃病也穀痺水穀之濕蒸
發而身黃也下利徒虛胃中外邪反乘虛陷入
所以腹滿仍舊也未乃申上文雖義以致不可下之意

○陽明病若中寒不能食小便不利手足澀然汗

出此欲作固瘕必大便初鞭後溏所以然者以胃中冷水穀不別故也

瘕匣牙切。○固堅固瘕積聚以本寒因水穀不化消積聚成堅固也末亦申上文致勿下之意

⑤陽明病欲食小便反不利大便自調其人骨節疼翁翁如有熱狀奄然發狂濇然汗出而解者此水不勝穀氣與汗共併脈緊則愈

奄影檢切。○欲食胃氣將回也陽明以胃實為正故小便不利大便自調為反也骨節疼如有所熱餘表未除也奄然忽然也發狂陽明之所以作汗也水不勝以小便反不利言穀氣以欲食言蓋謂所以汗出者由小便不利胃回不作實故得汗得汗則表併解故曰脈緊則亦愈也

⑥陽明病不能食攻其熱必噦所以然者胃中虛冷故也以其人本虛故攻其熱必噦

攻熱皆寒藥故知必噦胃中虛以不能食言此亦戒謹之意

⑦傷寒四五日脈沈而喘滿沈為在裏而反發其汗津液越出大便為難表虛裏實久則讖語

滿胃實也逆溢則喘越出謂在道而出也表虛津液越出也裏實大便難也

⑧脈浮而遲表熱裏寒下利清穀者四逆湯主之若胃中虛冷不能食者飲水則噦

此疑二陰篇錯簡

⑤陽明病但頭眩不惡寒故能食而欬其人必咽
痛若不欬者咽不痛

眩風旋而目運也風故不惡寒能食欬逆氣咽
門胃之系也胃熱而氣逆攻咽則欬痛咽傷也

⑥陽明病法多汗反無汗其身如蟲行皮中狀者
此以久虛故也

法多汗言陽明熱鬱肌肉腠理及開應當多汗
故謂無汗為反也無汗則寒勝而腠理反秘密
所以身如蟲行皮中狀也久
虛寒勝則不能食胃不實也

⑦陽明病反無汗而小便利二三日嘔而欬手足
厥者必苦頭痛若不欬不嘔手足不厥者頭不痛

此亦寒勝故小便利嘔手足厥手足為諸陽
之本三陽皆上頭故手足厥者必苦頭痛也

⑧陽明病下之其外有熱手足溫不結胸心中懊
憊饑不能食但頭汗出者梔子豉湯主之

下之外有熱外者外散也故手足溫不結胸心
中懊憊者雖不結胸而膈中則鬱煩也頭汗見
太陽上四方
見太陽中

⑨陽明病口燥但欲漱水不欲嚥此必衄
漱音瘦○口為胃竅胃熱則口燥漱水不欲嚥
者陽明氣血俱多雖燥不渴也衄者以氣血俱
多而脈起於鼻故熱甚則
血妄行必由鼻而出也

⑩脈浮發熱口乾鼻燥能食者則衄

浮因於風也風為陽所以證如此也

①脈浮而芤浮為陽芤為陰浮芤相搏胃氣生熱其陽則絕

芤俗讀丘○浮為氣上行故曰陽芤為血內損故曰陰胃中生熱者陰不足以和陽津液乾而成枯燥也陽絕○此上二條即此陽之互詞疑錯簡

②跌陽脈浮而澀浮則胃氣強澀則小便數浮澀相搏大便為難其脾為約麻仁丸主之

麻仁丸方
麻子仁二升 芍藥半斤 枳實半斤

大黃一斤去皮 厚朴一斤去皮 杏仁一斤去皮尖熬研脂
右六味為末煉蜜為丸桐子大飲服十九日二服
漸加以和為度

數音朔○跌陽胃脈也其脈在足跌上動脈處去陷谷三寸又曰衝陽一名會元浮為陽盛故主胃強澀為陰虛故小便數約約束也胃為脾之合脾主為胃以行其津液胃強則脾弱脾弱則不能為胃行其津液以四布使其得以偏參於膀胱為小便數大便乾而胃實猶之反被胃家之約束而受其制故曰其脾為約也麻子杏仁能潤乾燥之堅枳實厚朴能導固結之滯芍藥斂液以輔潤大黃推陳以致新脾雖為約此之疏矣

③陽明病發熱汗出此為熱越不能發黃也但頭

汗出身無汗躋頸而還小便不利渴飲水漿者此為瘵熱在裏身必發黃茵陳蒿湯主之

茵陳蒿湯方

茵陳蒿 六兩 梔子 十四枚

大黃 二兩

右三味以水一斗先煮茵陳減六升內二味煮取三升去滓分溫三服小便當利尿如皂角汁狀色正赤一宿腹減黃從小便去也

越散也頭汗瘵熱發黃皆見太陽篇茵陳逐濕鬱之黃梔子除胃家之熱大黃推壅塞之瘵二物者若以泄熱熱泄則黃散也

陽明病面合赤色不可攻之必發熱色黃小便不利也

合應也赤熱色也陽明之脈起於鼻胃熱上行面應赤色攻則吐津液故發熱色黃小便不利

陽明病無汗小便不利心中懊憹者身必發黃

無汗小便不利則濕停懊憹濕停熱鬱也所以知黃必發也

陽明病被火額上微汗出小便不利者必發黃

陽明之脈循髮際至額顙故被火熱甚汗出額上也黃火迫土也

陽明病下血譫語者此為熱入血室但頭汗出者刺期門隨其實而瀉之澱然汗出則愈

血室頭汗期門皆見太陽篇陽明之脈其直者從缺盆下乳內廉下俠臍入氣街中血室之脈起於氣街上行至胸中而散所以婦人熱入血室則似結胸而識語陽明熱入血室則亦識語下血男順女逆道則同也故亦刺期門

⑤陽明證其人喜忘者必有畜血所以然者本有久瘀血故令喜忘尿雖鞭大便反易其色必黑宜抵當湯下之

喜忘好忘前言往事也志傷則好忘然心之所之謂志志傷則心昏心昏則血滯所以知必有畜血也大便秘反易血主滑利也黑血色也○方見太陽上篇

⑥病人無表裏證發熱七八日雖脈浮數者可下

之假令已下脈數不解合熱則消穀善饑至六七日不大便者有瘀血宜抵當湯

表謂無太陽裏謂胃不實雖脈浮數可下者久也合熱謂數獨不退熱亦應未除也善饑猶言快饑也不大便有瘀血大意與血諦反覆畧同此疑太陽篇錯簡

若脈數不解而下利不止必協熱而便膿血也

抵當下之數仍不退熱未除也利不止所以知協熱必便膿血也

⑦陽明病發潮熱大便溏小便自可胸脇滿不去者小柴胡湯主之

潮熱少陽陽明之涉疑也大便秘溏小便自可胃不實也胸脇滿不去則潮熱仍屬少陽明矣故

須仍從小柴胡
方見太陽上

①陽明病脇下鞭滿不大便而嘔舌上白胎者可與小柴胡湯上焦得通津液得下胃氣因和身濺然而汗出解也

此承上條而言即使不大便而脇下鞭滿在若有嘔與舌胎則少陽為多亦當從小柴胡上焦通鞭滿開也津液下大便行也百體皆受氣於胃故胃和則身和汗出而病解○方見太陽上

②二陽併病太陽證罷但發潮熱手足絳絳汗出大便難而識語者下之則愈宜大承氣湯

此以太陽陽明言謂須太陽陽罷方可治陽明之意

③陽明少陽合病必下利其脈不負者順也負者失也互相剋賊名為負也脈滑而數者有宿食也當下之宜大承氣湯

陽明屬土其上水穀少陽屬木其主風風主飡泄故知下利可必也陽明脈大少陽脈弦不負謂大而不弦無相勝負而相得也失得之反也謂弦則木剋土不大則土受木賊少陽勝而陽明負為不相得宿言不宜也滑主食數主熱宿食可知也大承氣者陳宜推所以通因通用也

④三陽合病腹滿身重難以轉側口不仁而面垢識語遺尿發汗則識語下之則額上生汗手足逆冷若自汗出者白虎湯主之

陽明主胃胃主肌肉而通竅於口不仁謂不正而飲食不利便無口之知覺也然則腹滿身重不仁識語陽明也靈樞曰足少陽之正上肝貫心以上挾咽出頤頤中散於面故又曰是動則病口苦善太息心脇痛不能轉側甚則面微有塵垢亦塵也遺尿太陽膀胱不約也故曰三陽合病五合之表裏俱傷也發汗則偏攻太陽邪併於陽明而謔語益甚下則偏攻陽明不惟陰虛而陽亦損故手足逆冷而額上生汗生不流也是則汗下皆不可也自汗者邪遍三陽熱搏五合衛疎而表不固榮弱而裏不守也夫汗下既皆不可和之於少陽則亦偏於一而非所宜是故白虎者能解秋而徹表裏之熱所以又得為三陽通該之一解也然病屬三陽治又不從陽明而類陽明篇者一則陽明居多二則陽明屬土土者萬物之所歸而病之吉凶生死機焉所以歸重於陽明而入其類例此又叔和之深意也○方見太陽下

傷寒發汗已身自為黃所以然者以寒濕在裏不解故也以為不可下也於寒濕中求之

上為去聲○此揭下文三條之總濕以汗發不對言詳見痙濕暍篇中裏以黃言不可下者裏非表裏之裏也寒濕中求之以下文三條言也

傷寒發熱在裏身心發黃麻黃連軹赤小豆湯主之

麻黃連軹赤小豆湯方

- 麻黃 二兩
- 赤小豆 一升
- 杏仁 四十枚去皮尖
- 連軹 二兩連軹根也
- 大棗 十二枚擘
- 生薑 一兩切

甘草 一兩

生梓白皮

已上八味以潦水一斗先煮麻黃再沸去上沫內諸藥煮取三升分溫三服半日則盡

此條互上條之文以出治併下二條乃三目也麻黃甘草杏仁利氣以散寒麻黃湯中之選要也連軛小豆梓皮行濕以退熱去痰散黃之領袖也薑棗益土為剋制潦水無力不助濕○軛本草作翹翹本鳥尾以草子析開其間片片相比如翹得名軛本使者小車乘馬者無義疑誤

者茵陳蒿湯主之

此與上畧同而較重橘子色言黃之鮮明也腹微滿濕不行也○方見前

傷寒七八日身黃如橘子色小便不利腹微滿

傷寒身黃發熱者梔子蘘皮湯主之

梔子蘘皮湯方

梔子 十五枚 甘草 一兩 黃蘘 一兩

右三味以水四升煮取一升半去滓分溫再服

此承上三條而以發熱出然熱既發於外則裏證較輕可知故解之以梔子蘘皮而和之以甘草以為退之之輕劑所謂於寒濕中求之者蓋亦參酌乎上三條而近取云也○已上四條疑太陽中篇錯簡當移

辨少陽病脈證并治第五 凡九條方無

少陽主半表半裏半不也不表不裏者隙地

也夫以表實則可汗裏實則可下上實則可吐隙無實可言故汗下吐皆無其法而其合併之病又皆已雜出於太陽陽明篇中所以本篇條曰少無可攻之道也無可攻者一則界限也故表裏分先後自此而終始然則隙地及當要衝無治最有關係謂小柴胡湯為通行套藥不擇地而可施豈不諄哉

①少陽之病口苦咽乾目眩也

少去聲下皆同之下當有為字○少陽者膽經也其脈起於目銳眥靈樞曰足少陽之正上

貫心以上挾咽出頤頷中故又曰是動則病口苦若膽之味也咽膽之使也口苦咽乾熱聚於膽也眩目旋轉而昏運也少陽屬木木生火而主風風火扇搖而燔灼所以然也

②少陽中風兩耳無所聞目赤胸中滿而煩者不可吐下吐下則悸而驚

首句以攢名揭總舉大綱言三陰篇中如此云云者皆然少陽之脈上抵頭角下耳後其支者從耳後入耳中出走耳前其支者下胸中貫膈肝上目膽為之合風為陽而主氣耳無聞者風壅則氣塞也目赤者風熱則氣昏也胸滿而煩者風鬱則膈熱也少陽本無吐下法其經又多氣少血吐下復傷其經則血愈少而虛血虛則心虛所以神識昏亂怔忡而驚也

③傷寒脈弦細頭痛發熱者屬少陽少陽不可發

汗發汗則譫語此屬胃胃不和則愈胃不和則煩而悸

少陽屬木故其脈弦細則欲入裏也譫語者奪其血液而胃乾故心荒而亂也胃和以味至實言不和言實也然上條以風言風主氣故禁吐下此以寒言寒主血故禁汗對舉以示教也

四本太陽病不解轉入少陽者脇下鞕滿乾嘔不能食往來寒熱尚未吐下脈沈緊者與小柴胡湯

少陽之脈其支者下胸中貫膈絡肝屬膽循脇裏其直者從缺盆下腋循胸過季脇故病則鞕滿嘔不能食也往來寒熱見太陽上篇浮緊為弦沈緊者得之寒因也○方見太陽上

若已吐下發汗溫鍼譫語柴胡證罷此為壞病知

犯何逆以法治之

此承上文復以亂治不對而致變劇者言與太陽上篇第五十二條意同以法即隨證之互詞

五二陽合病脈浮大上關上但欲眠睡目合則汗

太陽脈浮陽明脈大關上乃少陽之部位故曰二陽合病但欲眠睡者熱聚於膽也目合則汗者少陽少血虛則不與陽和寐屬陰故盜出也

六傷寒二百二陽為盡三陰當受邪其人反能食

不嘔此為三陰不受邪也

陽以表言陰以裏言能食真陽勝而表邪散也不嘔裏氣和而胃氣回也陰不受邪可知也

七傷寒二百少陽脈小者欲已也

傷寒論
卷四
傷寒論
小謂不效也
也已愈也

八 少陽病欲解時從寅至辰上

寅卯辰少陽木主之時也邪雖不勝正解必在乎得其時道固如此也外道而言意豈不謬哉

九 傷寒六七日無大熱其人燥煩者此為陽去入陰故也

去往也言表邪往而入於裏所以外無大熱而內則燥煩也愚按太陽中傷傳陽明轉少陽陽去入陰乃風寒之病人自表而漸裏通章之太義斯道之自然仲景喫緊為人之要旨也讀者最宜精思熟玩

傷寒論條辨卷之四終

